

**ELEKTRONSKE VIJESTI  
Mart 2017.**

Poštovani,

U ovomjesečnom broju elektronskog biltena Vam donosimo novosti objavljene na web stranici Vanjskotrgovinske komore Bosne i Hercegovine , listu otvorenih poziva/tendera, nove ponude preduzeća iz inostranstva, novosti partnera konzorcija EEN FBiH , kalendar događaja poslovnog povezivanja kao i aktuelne informacije iz EU iz različitih oblasti.

**Novosti Vanjskotrgovinske komore BiH:**

**[Poziv za učešće na Međunarodnoj konferenciji “B2B Software Days“](#)**



Sektor za vanjsku trgovinu pri Austrijskoj privrednoj komori (Austria Advantage) i Austrijsko društvo za poticanje istraživanja (FFG), u suradnji sa Evropskom preduzetničkom mrežom (EEN) i Eureka/Eurostars programom, u suorganizaciji Vanjskotrgovinske/Spoljnotrgovinske komore Bosne i Hercegovine, poziva bh. kompanije na informatičku međunarodnu konferenciju pod nazivom “B2B Software Days “ koja će se održati 25. i 26. aprila 2017. godine u Beču (Austrija).

Konferencija je namijenjena kompanijama i startupima koji se bave razvojem softvera i inovacija u IT sektoru, kao i institucijama za istraživanje i razvoj (R&D) te IT udruženjima i klasterima iz cijelog

svijeta, a ista pruža priliku za informiranje o najnovijim trendovima, proširenje kontakata, pronalazak novih poslovnih partnera i razmjenu iskustava u okviru stručnih radionica i networking događanja. Tema ovogodišnje konferencije je budućnost digitalnog poslovanja.

Raspored:

U utorak, 25. aprila 2017.godine: prijepodne je planirano izlaganje međunarodnih stručnjaka u oblasti aktualnih trendova u digitalnom poslovanju, a poslije podne će se održati unaprijed dogovoreni bilateralni sastanci između predstavnika IT kompanija, industrije i istraživačkih institucija iz Evrope.

U srijedu, 26. aprila 2017. godine: planirano je predstavljanje međunarodnih istraživačkih i razvojnih projekata, predstavljanje startupa investitorima (pitching session), te održavanje radionica o finansiranju IT i drugih projekata.

Učešće na b2b sastancima je besplatno uz obaveznu prijavu.

Napomena:

Ne dolazak na prijavljenu konferenciju naplaćuje se 75 EUR (bez PDV).

**Krajnji rok za registraciju je 18.april 2017. godine.**

### **[Poziv za učešće na poslovnim susretima „ICT Spring Europe 2017”](#)**



**Evropska preduzetnička mreža u Luksemburgu, u suorganizaciji sa Vanjskotrgovinskom/Spoljnotrgovinskom komorom Bosne i Hercegovine (kao koordinatorom EEN Mreže FBiH), organizuje poslovne susrete pod nazivom „ ICT Spring Europe 2017 “ koji će se održati 09. i 10. maja 2017. godine u Luksemburgu.**

**Ovaj događaj je jedan od najvećih međunarodnih evropskih konferencija za informacijsko-komunikacijske tehnologije. Na događaju će biti predstavljeni najnoviji trendovi i inovacije u ovoj oblasti i razgovarano o njihovom utjecaju na društvo i svijet rada.**

U 2016. godini održano je preko 376 poslovnih sastanaka a učestvovala su 93 kompanije iz 15 zemalja.

Događaj će obuhvatiti četiri tematska područja, i to:

- Finansijska tehnologija: blockchain tehnologija/bankarstvo,
- Digitalizacija: pripovijedači/budućnost filmova/digitalna stvarnost/nove digitalne granice,
- Svemir: tehnologija, finansiranje, konkurentnost, poduzetništvo/istraživanje svemira (osvajanje svemira, prostorno, posmatranje zemlje, svemirski resursi) i
- Industrija: Industrija 4.0 /budućnost automatizacije /kružna ekonomija.

Učešće na B2B susretima za sve kompanije koje se registruju preko EEN mreže se naplaćuje.

Učešće jednog predstavnika kompanije je 100 EUR, a za svakog dodatnog učesnika iz kompanije je 75 EUR.

### **[Poziv za učešće na međunarodnim poslovnim susretima u oblasti proizvodnje hrane Agrob2B@NSFair](#)**



**Evropska preduzetnička mreže u Srbiji – Privredna komora Srbije i Biznis inkubator Novi Sad, u saradnji sa Novosadskim sajmom, i u suorganizaciji Vanjskotrgovinske/Spoljnotrgovinske komore Bosne i Hercegovine (kao koordinator EEN Mreže FBiH), poziva privredne subjekte i druge zainteresirane iz Bosne i Hercegovine da učestvuju na međunarodnim poslovnim susretima – AgroB2B@NSFair, koji će se održati 15. maja 2017. godine u okviru Sajma poljoprivrede u Novom Sadu.**

Međunarodni poljoprivredni sajam u Novom Sadu je vodeći sajam iz oblasti agrobiznisa na prostoru Zapadnog Balkana i Jugoistočne Evrope. U 2016. godini ovaj sajam je okupio preko 1.600 izlagača iz 60 zemalja.

AgroB2B@NSFair želi da podstakne poslovnu saradnju izraženu kroz veći obim razmjene prehrambenih proizvoda sa inostranstvom, kroz povezivanje proizvodnje, zajedničkih ulaganja i nastupa na trećim tržištima i sl., ali i saradnju u oblasti razmjene znanja i tehnologije i posebno u unapređenju konkurentnosti kroz zajedničko učešće u nacionalnim i evropskim programima i fondovima.

Osnovna ciljna grupa jesu proizvođači i trgovci hrane i piće, međutim događaj je otvoren i za sektore poput:

- poljoprivredna mehanizacija i oprema,
- đubrivo i zaštita bilja,
- pakovanje
- obnovljivi izvori energije,
- oprema za proizvodnju i preradu hrane,
- primenjene nauke i istraživanja itd.

Učešće na događaju je besplatno, a učesnici moraju sami sebi obezbediti ulaznicu za sajam i pokriti eventualne troškove prevoza i smještaja u Novom Sadu.

**Rok za prijavu: 07.05.2017.godine**

### [Poziv za učešće na zajedničkom nastupu na sajmu investicija i trgovine „China-CEEC EXPO 2017“](#)



**Vanjskotrgovinska/Spoljnotrgovinska komora Bosne i Hercegovine obavještava sve svoje članice da su Ambasada Narodne Republike Kine i organizatori sajma „China-CEEC EXPO“ uputili poziv da VTK/STK BiH i ove godine organizuje zajednički nastup bosanskohercegovačkih firmi na ovogodišnjem, trećem po redu, sajmu investicija i trgovine „China-CEEC EXPO 2017“ koji će se ove godine održati od 09. do 12. juna 2017. godine u gradu Ningbo (Kina).**

Ova izložbena manifestacija po treći put se organizira u okviru sveobuhvatne inicijative NR Kine koja ima za cilj jačanje saradnje sa zemljama centralne i istočne Evrope (tzv. CEE region). Među brojnim manifestacijama su i trgovinski sajam koji je fokusiran na poljoprivredno-prehrambene proizvode,

zatim investicijski i poslovni forumi te različite konferencije. Glavni organizatori manifestacije su i ove godine Ministarstvo trgovine NR Kine, Narodna vlada Provincije Zhejiang i vlada opštine Ningbo.

### [Poziv za učešće na sajmu u Alžiru](#)



**Vanjskotrgovinska/Spoljnotrgovinska komora Bosne i Hercegovine obaviještena je da će se 50. međunarodni sajam u Alžiru održati od 08. do 13. maja 2017. godine.**

Sajam je opšteg tipa, sa više od 50.000 m2 izložbenog prostora, a organizira se s ciljem predstavljanja ekonomije Alžira u svim oblastima i unapređenje, razvoj i jačanje ekonomskih veza između Alžira i svijeta.

### [Poziv za učešće na konferenciji „SEE Automotive – Connect&Supply“](#)



**Automobilski klaster Srbije- AC Serbia i Fond za podršku investicija u Vojvodini– VIP organizovaće 11. i 12. aprila 2017. godine u novosadskom Kongresnom centru „Master“ drugu konferenciju SEE Automotive – Connect&Supply, koja će okupiti preko 250 učesnika iz više od 150 kompanija iz jugoistočne Evrope.**

Cilj SEE Automotive konferencije je da omogući povezivanje OEM proizvođača, TIER1&2 kompanija i relevantnih međunarodnih institucija, kako bi se dodatno podstakao razvoj automobilske industrije u regionu.

Ova konferencija je jedan od najznačajnijih stručnih i poslovnih skupova u ovom dijelu Evrope u oblasti automobilske industrije i predstavlja priliku da se učesnici upoznaju sa trendovima kompanija iz regiona, kao i planovima proizvođača, a biće organizovani i B2B sastanci, kroz koje će se maksimalizovati poslovni kontakti.

### [Poziv bh. kompanijama za učešće na poslovnim susretima “Future of Building 2017”](#)



Austrijska federalna privredna komora u saradnji sa Austrijskom agencijom za promociju istraživanja, a u okviru Evropske preduzetničke mreže, i suorganizaciji Vanjskotrgovinske komore/Spoljnotrgovinske komore Bosne i Hercegovine (kao koordinator EEN Mreže FBiH), organizuje poslovne susrete pod nazivom „Future of Building 2017“ koji će se održati 17. i 18. maja 2017. godine u Beču (Austrija).

Poslovni susreti i konferencija je namijenjena kompanijama koje žele više saznati o inovativnim rješenjima u građevinarstvu, održivoj obnovi i visokokvalitetnoj gradnji u Austriji, najnovijim trendovima u tehnologiji i razmijeni novih projektnih ideja, te pronaći poslovnog partnera za nove poslovne prilike.

Glavna tematska područja i sektori su:

- inženjering i planiranje/arhitektonske i građevinske usluge,
- građevinarstvo/podugovaranje,
- građevinski materijali/komponente i sistemi za gradnju,
- obnovljivi izvori energije/klimatizacija i građevinska tehnologija i
- poslovne agencije, klasteri i udruženja, donosioci javnih odluka.

Poslovni susreti i konferencija će se održati u Austrijskoj federalnoj privrednoj komori 17.05.2017 godine, a večernje događanje „Enquete 4.0“, sa specijalnim fokusom na gradske tehnologije, inovacije i izvoz, u Diplomatskoj akademiji. Planirano je da 18.05.2017. godine bude razgledanje jedinstvenih projekata u Beču i okolini.

**Rok za prijavu: 28.04.2017. godine.**

Učešće na poslovnim susretima je besplatno.

#### [Poziv za učešće na konferenciji „Passive House“ u Beču](#)



**Vanjskotrgovinska/Spoljnotrgovinska komora Bosne i Hercegovine je obaviještena da Passive House Institute iz Beča organizuje 21. međunarodnu konferenciju “Passive House”, koja će se održati 28. i 29. aprila 2017. godine u Beču.**

Na ovoj konferenciji se očekuje prisustvo preko 1500 učesnika iz 70 država koji će predstaviti primjere i ideja u vezi ove teme.

#### [Poziv za poslovnu posjetu sajmovima u Turskoj](#)



**Vanjskotrgovinska/Spoljnotrgovinska komora Bosne i Hercegovine je obaviještena od Ambasade Republike Turske u Sarajevu da će se u periodu od 27. aprila do 13. maja 2017. godine u Republici Turskoj održati pet sajмова, i to:**

1. Sajam organskih proizvoda,
2. Sajam kozmetike, ljepote i frizera,
3. Sajam lovačkih puški i sportova u prirodi,

4. Sajam stomatološke opreme i materijala i

5. Sajam prirodnog gasa, grijanja, hlađenja, klimatizacije, pumpi i ventila.

U okviru svakog sajma održat će se "Buyer Mission Program". Programom je predviđen briefing za privrednike, bilateralni razgovori sa turskim privrednicima i posjeta proizvodnim postrojenjima.

Učesnicima iz Bosne i Hercegovine (po jedan predstavnik iz kompanije) svakog programa biće plaćeni troškovi smještaja sa doručkom. Poznavanje jednog od tri strana jezika (engleski, njemački ili francuski) je obavezno. Također, učesnici trebaju posjedovati ovlasti za odlučivanje u kupovini.

## **Novosti partnera Konzorcija EEN FBiH**

**[ZEDA- Zenička razvojna agencija : Predstavnici Agencije ZEDA na 4. međunarodnoj konferenciji "Dan prozora 2017." u Zagrebu-investicije, obnova i izvoz](#)**



Predstavnici Agencije ZEDA učestvovali su na 4. međunarodnoj konferenciji "Dan prozora 2017." koja je održana u srijedu, 22.marta 2017. godine s naslovom INVESTICIJE, OBNOVA I IZVOZ koja je održana u hotelu Antunović u Zagrebu.

Organizator konferencije je kontrolna kuća Euroinspekt – drvokontrola d.o.o. u saradnji s partnerskim institutom za prozorsku tehniku ift Rosenheim GmbH Njemačka, uz potporu Hrvatskog savjeta za zelenu gradnju, Hrvatske gospodarske komore i klijenata u ulozi sponzora vodećih europskih proizvođača profila, okova, stakla i pribora za ugradnju prozora.

Poziv na ovaj događaj je bio usmjeren prema proizvođačima građevinskih proizvoda (profila, prozora i vrata, stakla, sjenila i zaslona, okova, čeličnih ojačanja, pribora za ugradnju i sl.), arhitektima, projektantima, upraviteljima zgrada u Hrvatskoj i susjednim zemljama.

Predstavnici Agencije ZEDA prisustvovali su ovom događaju u okviru projekta MENTOR 2 čijom će se implementacijom proširiti usluge postojeće laboratorije LIND na ispitivanja građevinske stolarije i fasadnih elemenata.

## **Poslovne ponude za mart 2017**

**EEN BiH PS 1 – Mart 2017**

Danski preduzetnik koji se bavi dizajnom je u potrazi za proizvođačima drvenih lampi. Ova kompanija koja je dizajnirala kolekciju funkcionalnog nordijskog namještaja i proizvoda za uređenje enterijera je u potrazi za proizvođačem lampi sa okvirom od brezovog drveta i zamjenjivim panelima napravljenim od akrila. U ponudi ove kompanije se mogu naći stolice, organizeri za odlaganje stvari, poslužavnici, držači za saksije,

lampe itd. Prodaja se vrši putem elektronske trgovine te predstavljanjem proizvoda na sajmovima. Materijali koji se upotrebljavaju su : drvo breze, obojeni ili prozirni akril veličina: Kocke: 20,6cm x 20,6cm Paneli: 17cm x 17cm Tehnologija: sječenje laserom ili CNC mašinom. Proizvođač bi sklapao cijelu lampu. Prva narudžba bi bila oko 100 komada. Od partnera se traži usluge sječenja dijelova za lampu pomoću lasera ili CNC mašine, ali i sastavljanje lampe iz ovih dijelova i sijalice, utikača i kablova.

#### **EEN BiH PS 2 – Mart 2017**

Ruska proizvođač specijalizovan za proizvodnju dječijeg high-tech namještaja je u potrazi za dobavljačima okova i dijelova za namještaj radi potpisivanja ugovora o proizvodnji. Kompanija je prepoznatljiva po izradi namještaja za djecu različite starosne dobi (setove-sto i stolica, stolove sa različitim oblicima ploča, stolovi sa svjetlećom pločom, kancelarijski stolovi). Svi proizvodi su napravljeni su od laminiranih ploča srednje gustine , otporni su na vodu, gljivice i druge mikroorganizme što je u skladu sa ekološkim standardima. Kompanija je spremna da kupuje okove u skladu sa kapacitetom proizvodnje (300 komada mjesečno). Traženi proizvodi su standardni i pogodni za različite upotrebe u kuhinji, spavaćoj sobi, kancelariji... Ova kompanija će također biti odgovorna za sve troškove isporuke. Od potencijalnog partnera se očekuje iskustvo u proizvodnji okova za namještaj, dugoročna saradnja, dostava visokokvalitetnih dijelova, te stalno poboljšavanje u proizvodnji za rusku kompaniju. Kompanija je u potrazi za različitim tipovima okova ( mehanizmi za podizanje , plastične utičnice, šarke, nosači za police itd). Oprema mora biti izrađena od visokokvalitetnog ekološki prihvatljivog materijala.

#### **EEN BiH PS 3 – Mart 2017**

Švedska kompanija specijalizovana u biljnoj medicini i nutritivskoj terapiji je u potrazi za proizvođačem biljaka koji bi mogli: 1. vršiti isporuku odabranih biljaka i 2. proizvoditi biljne suplemente (dodatke) po recepturi švedske kompanije, pod ugovorom o proizvodnji. Biljke će se koristiti u proizvodnji biljnih suplemenata koji su dobro istraženi i namjenjeni odraslim osobama sa blažim zdravstvenim problemima. Suplementi bi se koristili za glavobolju, prehladu, kašalj, probleme pri spavanju i teškoće pri disanju. Traženi sastojci su: populus balsamifera, tanacetum parthenium, thymus vulgaris, verbascum thapsus, astragalus membranaceus, valeriana officinalis, angelica sinensis, boswellia serrata itd. Od potencijalnog se očekuje izvođenje GMP testa i proizvodnja manje količine svakog biljnog suplementa (dodatka). Suplementi bi bili u tačnoj (bočice od 30ml) ili čvrstoj formi (u obliku kapsule).

#### **EEN BiH PS 4 - Mart 2017**

Francuska zanatska kompanija specijalizovana za drveni namještaj i kućne dekoracije, renoviranje i preoblikovanje (recikliranje), traži dobavljače za namještaj od sirovog drveta. Kompanija bi proizvode nakon isporuke farbala i personalizovala. Ona ima jaku mrežu partnera i klijenata, a tražnja za njenim jedinstvenim proizvodima je u porastu. Zainteresovana je za nabavku svih vrsta namještaja, velikih i malih dijelova namještaja (stolice, stolovi, kafe stolovi, noćni stočići, komode itd.), ali joj je hitno potreban dobavljač dječijih drvenih i pletenih stolica u velikim količinama po konkurentnim cijenama. Firma je spremna da radi pod podugovaračkim ugovorom sa partnerima koji su u mogućnosti da isporuče tražene proizvode. Od partnera se očekuje da ima veliki kapacitet proizvodnje namještaja od sirovog drveta, a posebno dječijih drvenih i pletenih stolica. Takođe se očekuje da partner ima katalog proizvoda koji omogućava francuskoj kompaniji da odgovori na specifične zahtjeve klijenata.

#### **EEN BiH PS 5 – Mart 2017**

Češka kompanija specijalizovana za usluge uvoza i distribucije medicinskih materijala, uređaja i pomagala sa dobrim poznavanjem lokalnog tržišta nudi usluge distribucije. Kompanija je u potrazi za proizvođačima ili dobavljačima aromatičnih osvježivača zraka, proizvoda za dezinfekciju i medicinske potrošne robe.

Glavna aktivnost ove kompanije je njega starijih ljudi i ljudi sa invaliditetom. Kompanija je osnovana 2012. godine i nudi širok spektar medicinskih proizvoda koji su pogodni za upotrebu u domovima za starije osobe ali i u zdravstvenim centrima. Kompaniji su potrebni sljedeći proizvodi: 1. osvježivači zraka koji efikasno uništavaju mirise, bakterije i ostale zagađivače u zraku. 2. kompletan asortiman proizvoda za dezinfekciju, koji bi trebao obuhvatati : - sredstva za dezinfekciju medicinskih instrumenata, - sredstva za dezinfekciju ruku i kože, i - sredstva za dezinfekciju radnih površina. Svi proizvodi moraju biti izrađeni prema europskim standardima za zdravlje i sigurnost. 3. medicinski potrošna roba, naročito: - krpe od netkanog materijala za svakodnevnu upotrebu, - zaštitne rukavice od vinila ili nitrila, i - vlažne maramice bez mirisa ili sa blagim mirisom za osjetljivu kožu. Kompanija je u potrazi za poslovnim partnerima koji su zainteresovani za potpisivanje ugovora o distribuciji.

#### **EEN BiH PS 6 - Mart 2017**

Britanska kompanija koja je specijalizovana za uvoz i izvoz alkoholnih pića je u potrazi za proizvođačima promotivnih materijala. Kompanija je nedavno lansirala sopstveno pivo i u procesu je razvoja svog brenda za ostala alkoholna pića. Kompanija posjeduje višegodišnje iskustvo i široku mrežu dobavljača i distributera. Kompaniji je potreban proizvođač korporativnih poklona koji može izrađivati personalizovane proizvode sa imenom i logom britanske kompanije po povoljnim cijenama. Slijedeći artikli su potrebni: - čaše (za vina, viski, pivo...), - svjetleće kante sa ledom, - poklonske kutije , itd. Ovi promotivni proizvodi ili pokloni će biti korišteni prilikom prodaje u barovima, restoranima kako bi se promovirao novi brend pića. Kompanija nudi potencijalnom partneru ugovor o proizvodnji. Potencijalni partner mora biti spreman na fleksibilnost u proizvodnji, odnosno isporuku velikih količina u kratkom vremenskom roku.

#### **EEN BiH PS 7- Mart 2017**

Rumunska kompanija specijalizovana za maloprodaju, distribuciju i uvoz proizvoda uključujući školski i kancelarijski pribor, igračke, edukativne proizvode, poklon kutije za čajeve itd. je u potrazi za stranim distributerima. Ova firma je jedna od vodećih distributera kancelarijskog i školskog materijala na tržištu jugoistočne Rumunije. Kompanija nudi proizvode različitih poznatih brendova u svojim prodavnicama i putem weba. Ponuda uključuje: - opremu za rekreativne aktivnosti i hobije: četkice, bojanke, ljepila, voštane bojice, boje, knjige itd. - kancelarijski pribor: pribor za pisanje, selojtep, heftarice, organizatori fajlovaregistratori, kalkulatori, proizvod i za čišćenje elektronike itd. - poklon pakete: poklon kutije za čajeve i oprema za čajeve (šolje, porcelanski set šoljica za čaj) igračke, čestitke itd. - elektronsku opremu: DVD i CD. Svi proizvodi su u skladu sa europskim standardima. Od potencijalnog partnera se očekuje da bude dobavljač luksuznih brendova kao i školskih i kancelarijskih materijala te spremnost na dugoročnu saradnju.

#### **EEN BiH PS 8 – Mart 2017**

Litvanska kompanija koja je aktivna u industriji za proizvodnju namještaja u potrazi je za dobavljačima materijala za proizvodnju namještaja te nudi usluge distribucije i posredništva. Firma pored 20 godišnjeg iskustva, posjeduje profesionalni tim, te nudi širok spektar proizvoda za izradu podova: furnira, laminata, lesonita,... Od potencijalnog partnera se očekuje proizvodnja iverica, furnira, laminata i spremnost na rad pod distribucijskim ugovorom. Partner bi trebao da dostavlja gotove materijale koji su upakovani za siguran transport kako bi se distribuirali na Baltičko tržište.

#### **EEN BiH PS 9 - Mart 2017**



Poljski proizvođač ofingera za odjeću i dodatka za namještaj je u potrazi za dobavljačima plastike kao što je polipropilen, polistiren, ABS plastika, polietilen manje gustoće, polietilen visoke gustoće i PVC plastike. Kompanija je osnovana 1996.godine i glavna aktivnost je procesuiranje plastike. Kompanija nudi širok spektar ofingera za odjeću kao što su: odijela, kaputi, hlače, jakne, krzno, te dječija odjeća. Kompanija je ekološki veoma osvještana i 95% proizvoda je napravljeno od sekundarno sirovog materijala. Od potencijalnog partnera se očekuje da nabavi navedene vrste plastike, međutim i plastični otpad u obliku kutija, kanistera, ambalaže, kanti (koji mora biti čist) je takođe poželjan.

**EEN BiH PS 10 - Mart 2017**

Crnogorski distributer specijalizovan za distribuciju robe široke potrošnje, traži dobavljače koji djeluju u poljoprivredno-prehrambenoj industriji, kako bi ponudio ekskluzivnu distribuciju na tržištu Crne Gore. Posebno zanimljivi su proizvodi široke potrošnje (namirnice, prehrambeni proizvodi), alkoholna i bezalkoholna pića, kao što su vina, voćni i gazirani sokovi. Potencijalni partner bi trebao da ponudi visokokvalitetne proizvode po konkurentnoj cijeni i da bude fleksibilan.

## Otvoreni pozivi i tenderi

**Federalno ministarstvo razvoja , poduzetništva i obrta**

**Javni natječaj – Grant sredstva 2017.**

<http://www.fmrpo.gov.ba/javni-natjecaj-grant-sredstva-2017/>

**Rok za prijavu: 14/04/2017**

## HORIZON 2020

”HORIZON 2020” je do sada najveći program EU namijenjen istraživanju i inovacijama sa budžetom od 79,4 milijardi eura za period od 7 godina, odnosno od 2014. do 2020. godine. Program ima za cilj potaknuti ekonomski rast i otvoriti nova radna mjesta u Evropskoj uniji. ”HORIZON 2020” objedinjuje istraživanje i inovacije i djeluje u tri prioritetna pravca – ”Vrhunska nauka”, ”Industrijsko vodstvo” i ”Društveni izazovi”. Za prvi prioritet namijenjeno je 24,4 milijarde eura, za drugi 17 milijardi eura, a za treći 29,7 milijardi eura. Subjekti kojima je namijenjen ovaj program su akademski sektor, državnim organizacijama, privredi, srednjim i malim preduzećima, udruženjima, nevladinim organizacijama itd. Bosna i Hercegovina je korisnik programa HORIZON 2020.

**HORIZON 2020:** (Excellent Science -Vrhunska nauka)  
(Industrial Leadership - Industrijsko vodstvo)  
(Societal Challenges - Društveni izazovi )

<http://ec.europa.eu/research/participants/portal/desktop/en/opportunities/h2020/index.html>

*(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)*

Radni program (2016-2017)

[http://ec.europa.eu/research/participants/portal/desktop/en/funding/reference\\_docs.html#h2020-work-programmes-2016-17](http://ec.europa.eu/research/participants/portal/desktop/en/funding/reference_docs.html#h2020-work-programmes-2016-17)

*(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)*

Otvoreni pozivi u okviru "Horizon 2020" za mala i srednja preduzeća

<https://ec.europa.eu/easme/en/horizons-2020-sme-instrument#2016-2017>

*(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)*

### **COSME**

Program **COSME** je novi program namijenjen prvenstveno malim i srednjim preduzećima (MSP) za jačanje njihove konkurentnosti na jedinstvenom tržištu Evropske unije. Program ima budžet od 2,3 milijardi eura i otvoren je za period 2014-2020. godine zajedno sa programom HORIZON 2020. Program je pored MSP-a namijenjen regionalnim i lokalnim organizacijama, te institucijama institucije koje djeluju u svrhu podsticanja, promocije ili davanje podrške preduzetništvu. Cilj programa je da smanji administrativne i regulatorne poteškoće sa kojima se susreću MSP-ovi i to kreiranjem povoljnijeg okruženja za preduzeća. Bosni i Hercegovini će ovaj program biti dostupan od 2017 godine.

<https://ec.europa.eu/easme/en/cos-clusint-2016-03-01-cluster-go-international>

*(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)*

**Rok za prijavu: 23/05/2017**

### **EUREKA**

**EUREKA** je evropska mreža za finansiranje tržišno orijentiranih projekata iz različitih tehničkih oblasti. Pokrenuta je 1985.godine od strane 17 zemalja članica iz Zapadne Evrope, danas ima 38 punopravnih članica. EUREKA pomaže izgradnju partnerstva kroz zajedničke multilateralne projekte s ciljem jačanja evropske konkurentnosti. Program je namijenjen istraživačkim institucijama i firmama, spremnim da zajedničkim ulaganjima u određenim programskim oblastima zajedno razvijaju nova tehnološka rješenja i proizvode. Na projektu moraju sudjelovati najmanje dva partnera iz dvije različite države. Od 2009-te godine Bosna i Hercegovina je punopravna članica programa EUREKA.

<http://www.eurekanetwork.org/content/eureka-network-projects>

**Rok za prijavu: Poziv je otvoren tokom čitave godine.**

### **KREATIVNA EVROPA**

**KREATIVNA EVROPA** je novi program Evropske unije za podršku evropskoj kinematografiji, te kulturnom i kreativnom sektoru s ciljem njihovog doprinosa održivom rastu i zapošljavanju. Program je namijenjen za davanje podrške očuvanju i promovisanju evropske kulturne i jezičke raznolikosti, te davanju podrške jačanju konkurentnosti sektora, čime će se doprinijeti ostvarivanju ciljeva EU2020

strategije. Kako se navodi na zvaničnoj stranici Evropske komisije [http://ec.europa.eu/culture/opportunities/index\\_en.htm](http://ec.europa.eu/culture/opportunities/index_en.htm) i evropskih fondova (europski-fondovi.eu), program Kreativna Evropa otvoren je za zemlje članice EU, zemlje članice EFTA-e, države pristupnice, zemlje kandidate i potencijalne kandidate Evropske unije, te za zemlje obuhvaćene politikom prema susjednim zemljama. Bosna i Hercegovina je u programu Kreativna Evropa od 2014-te godine.

**Media :**

[https://eacea.ec.europa.eu/creative-europe/actions/media\\_en](https://eacea.ec.europa.eu/creative-europe/actions/media_en)

**Distribution :**

[https://eacea.ec.europa.eu/creative-europe/actions/media/distribution\\_en](https://eacea.ec.europa.eu/creative-europe/actions/media/distribution_en)

**Distribution- Support to sales agents:**

[https://eacea.ec.europa.eu/creative-europe/funding/distribution-support-sales-agents-2016\\_en](https://eacea.ec.europa.eu/creative-europe/funding/distribution-support-sales-agents-2016_en)

**Rok za prijavu: 03/10/2017**

**Distribution Automatic Support 2016 :**

[https://eacea.ec.europa.eu/creative-europe/funding/distribution-automatic-support-2016\\_en](https://eacea.ec.europa.eu/creative-europe/funding/distribution-automatic-support-2016_en)

**Rok za prijavu: 01/08/2017**

**ERASMUS+**

**ERASMUS +** je novi program Evropske unije za obrazovanje, obuku, mlade i sport za period 2014. – 2020. godine. Program Erasmus+ obuhvata sve evropske i međunarodne programe, mreže, platforme i inicijative EU u području obrazovanja, obuke, mladih i sporta<sup>1</sup>. Namijenjen je učenicima, studentima, nastavnom i nenastavnom osoblju na svim nivoima obrazovanja, mladima između 13 i 30 godina, pojedincima, osoblju i članovima organizacijama koje rade sa mladima: sportskim radnicima, volonterima i sportistima.

[http://ec.europa.eu/programmes/erasmus-plus/calls-for-proposals-tenders/2016-eac-a03\\_en](http://ec.europa.eu/programmes/erasmus-plus/calls-for-proposals-tenders/2016-eac-a03_en)

**Kalendar događaja poslovnog povezivanja**

**Vijesti iz Evropske unije po željenim oblastima**

S poštovanjem,

*Evropska preduzetnička mreža u Federaciji Bosne i Hercegovine*

**Vanjskotrgovinska komora Bosne i Hercegovine**

een.ec.europa.eu



VANJSKOTRGOVINSKA KOMORA BOSNE I HERCEGOVINE  
СПОЉНОТРГОВИНСКА КОМОРА БОСНЕ И ХЕРЦЕГОВИНЕ  
FOREIGN TRADE CHAMBER OF BOSNIA AND HERZEGOVINA



Business Support on Your Doorstep



*Vanjskotrgovinska komora Bosne i Hercegovine*